

TOTIHITAWĚ THAMOTIMA THE Ā

PREÁMBULO

Enaha the puhi tao kuaai, wā rēamai the, peheti he usukuwē the, wā toprao the kái, hei the pē nahi taemopou piyēkou, īhī the pē nahi īhīpimopouha totihitawē thamotima the hami he usukuwē the pē nahi taeayou totihitaopē,

Enaha the puhi tao kuaai, totihitawē thamotima thēni the taimi ha, the pē kái shomiaprai ha, hei wārītiwē thamotima the kipi thaprarema. Komi pēmaki rē kui pēmaki kiriihou mai, pēmaki kái no preaai mai pēmaki pērihou piyēkopē, pēmaki ā topraopē, pēhetiapramotima the pē hami.

Enaha the puhi tao kuaai, totihitawē thamotima the rē wā nosie huamotima thēni the nahi thapopē, komi urihitheri the pē no yuayou maōpē,

Enaha the puhi tao kuaai, the pē pērihiwē rē piyēkēi the pē puhi taamayōpē the pē rīmimayōpē,

Enaha the puhi tao kuaai, komi urihitheri ONU the ha the pēhetiapraihe, totihithawē thamotima the hami, suwē wāro pei pēmaki no rē kui the pē no ā hē usukuwē, kama pēni the ā wawemarēmahē the pē puhi rē taamaīwēi,

Enaha the puhi tao kuaai, komi urihitheri pē rē kui ONU the iha the pē ā wawētokema totihitawē the ā nosi riā ha poheni,

Enaha the puhi tao kuaai, the pē ā rē wawētokenowēi the pēni the ā hīriapehe the ā nosi kái popehe

Īhī the no ā ha TOTIHITAWĚ THAMOTIMA THE Ā wēyēi piyēkouhe.

Hetipētēwē 1

Kōmi the pē rē pēriprawē rē piyēkēi, he usukuwē the pē keprou ai the ā rēamaihā no ā heparohowē, totihitawē the pē riā rē thaiwehei hami, the pē puhi tao kái pērihiwēha, the pē puhi kái katehewēha hawē kama the pē mashi shīro pērihimopē.

Hetipētēwē 2

Kōmi the pē ihami totihitawē thamotima the kuprawē , the ā rē maiha the pē pēriprawē, wā katehano thēni the wāhā no wayoano, suwē, wāro, pei kahi, the pē rē reahumouwēi, napē the ā, no matohipi, no preaarewē, the pē rē kepronowēi hami, ai the pē sho, shomi urihitheri himayōumahēi.

Kōmi the pē ihami totihitawē thamotima the kuprawē , the ā rē maiha the pē pēriprawē, ma kui ai the pēni the pē urihipi rēpoumakuhei the pē riā pērio toprao he yatio.

Hetipētēwē 3

Yāmi kōmi the pē ihami totihitawē thamotima the kuprawē the pē rē pēriaiwei the pē kuprawē, ai the ā rēamai, peheti the pē rē pēriaiwei.

Hetipētēwē 4

Ai the pē iha horemou wamaki no ohotamopi mai, horemou ohotamomamotima the thamai puhioimi he parohowē.

Hetipētēwē 5

The pē shēmou taomi, the pē wāhā kái wārīhīthomamou taomi, the pē shēmou wārītiai taomi.

Hetipētēwē 6

The pē pēriprawē rē piyēkēi the pē ihami totihitawē thamotima the kuprawē, the pē nahi riā hatukēmopou piyēkou.

Hetipētēwē 7

Wā nosie huamotima a hami, komi hititiwē the pē he usukuwē, the pē nahi kái thapou piyēkou. Hei wā katehano the rē kui thēni, hititiwē wā nosie huamatima ani wārīhītho thamotima the hami, the pē he komi rupou piyēkou; wārīhītho thamotima the hami the pē no yuo maōpē.

Hetipētēwē 8

Komi hititiwē the pē rē kui, the pē payeriopē nahi thapowēwē pata pēni, pē nahi rē hatukēawei kama urihithēri the pēni , totihitawē thamotima the wārīhītho thai maōpehe.

Hetipētēwē 9

Enaha pētawē the pē huēamou taomi, the pē kái ōkamopou taomi ai the urihi hami the pē shimamou ayao taomi.

Hetipētēwē 10

Komi hititiwē the pē ihami, totihitawē thamotima the kuprawē, the pē he pruka usukuwē, nahi thapowēwē pata pē mithari hami, the a riā hai the a riā ha hīriāmoni the rē thanowēi the hami the wāhā no wēyēihe tēhē, the no ā he riā ha ruoni.

Hetipētēwē 11

Hititiwē the pē rē kui the pēni ai the ma thamonomai the pē wāhāno wēyēihe tēhē the pēhetiaprai haia maheīha the shurukuamou haio taomi. Nahi thapowēwē pata pēni the pēhetiaprai haia maheīha pē noa napēmou taomi.

The pē wāhāno wēyēyono ma mai, the pē wāhāno wēyēyou, enaha the thamou taomi. Hapa hote wārītīwē the ani hei tēhē the wārītīwē he parohowē the thamou taomi.

Hetipētēwē 12

Ai the puhi pētouha ayaroni , the pē yahipi hami, the he haprou ayao taomi, therihē pē ihami kái, ōniōni a shimaihe tēhē the kái mii pario ayao taomihe, komi the pē mithari ha wa the wāhāno wēyēi ayao taomi. Īhī the pē hami totihitawē thamotima the rē kui wā nosie huamotima thēni the pē nahi thapou piyēkou.

Hetipētēwē 13

Hititiwē the pē ihami totihitawē thamotima the kuprawē, ai the ā rēamaihā the pē riā huu piyēkou, wa the nahi rē pēripouwei the urihi ha the pē kái riā shaponomou.

Hititiwē the pē ihami totitihitawē thamotima the kuprawē īhī the no āhā the pē rē pērihiwē rē piyēkēi the pē urihipi hami, the pē kái riā huu, the pē urihipi nahi kái rē pēriprai, the pē urihipi nahi kái riā kōō mi yapao.

Hetipētēwē 14

Ai the yapēkamahe tēhē, kōmi hititiwē the pē ihami totihitawē thamotima the kuprawē the pē rē hithēpraamaiwēi a urihi ha, īhī ā hā the pē ā riā toprao, shomi the pē urihipi hami kái.

Hei a hami totihitawē thamotima the rē kui the wāhā pomou taomi the kái puhipramou taomi, wā nosie huamotima nahi thapowēwē pēni the pē huēmamaihē tēhē peheti kōmi yapēkamotima the pē hami pei the hapa rē hupētarenowēheī the pēni kái.

Hetipētēwē 15

Hititiwē the pē ihami totitihitawē thamotima the kuprawē, kama urihi theri the pē wāhā hirou katitou.

The puhi pētouha ayaroni kama urihitheri the rē kui the mapramai ayao taomi, totihitawē thamotima thēni hawē kama e the wāhā riā hiroprou

kuo.

Hetipētēwē 16

Wārō, suwē pē sho, kama huya thē pē riā rē toayouwei hami totihitawē thamotima thē kuprawē ai thē ā rēo taomi. Ai thē ā rēamaihā suwē , wāro pē sho thē pē riā toayou, kama theri thē pē wāhā hirou, reahumotima kama urihithēri, ihī thē pēni totihitawē thamotima thē hami thē pē ā rēo taomi, kama thē pē mashi riā kuprou. Shoati totihitawē thamotima thē ha thē pē ā riā topiao, thē pē toayou pario tēhē, thē pē ā topiao rē kuonowēi naha, thē ā riā topiao kuo shaoa.

Kama kēkipi rē puhiyouwei, peheti kēkipi riā toayou.

Kama thē pē mashi shironi pē shapono praukamaihē ihī thē no āhā totihitawē thamotima thē rē kui, kama urihitheri thēni thē nohi thapouhe, kama thē pē shaponopi kāini.

Hetipētēwē 17

Hititiwē thē pē rē kui thē pē matohipi riā kuo, totihitawē thamotima thē ha, thē pē rē perihii hami kama thē pē urihipi riā rii kuomopotayou.

Pei thē puhī pētouha ayaroni thē pē matohipi riā rēmaimihē thē pē rē perihii hami urihi ā kāi rēmai taomihe.

Hetipētēwē 18

Hititiwē thē pē rē kui ai thē ā rēamaihā totihitawē thamotima thē ha thē pē puhī tao kāi riā pērio, reahumotima thē hami, thē pē puhī katehewēha; totihitawē thamotima thē ha thē ā kāi koyokoa reahumotima wa thē riā rē hemihipraiwei, ai thē ā rēamaihā thē riā owēmamou komi thē pē mithari ha thē kāi riā owēmaihe, thē pē hirayou tēhē, thē pē owēmayōū tēhē, peheti thē ā huamou sharirou ha.

Hetipētēwē 19

Ai thē ā rēamaihā hititiwē thē pē rē kui yāmi thē pē puhī riā piyēkou, thē wāhāno riā rē wayoiwehei; ihā thē ā kāi koyokoa thē ā hai tēhē thē ā nohi wārimopou taomi, ma kui yaniki thē riā wārimou kuaahērii, thē ā riā opisi tēamou kuaahērii, thē ā riā wēyēmou piyēkou wānoshimamotima thē pē hami.

Hetipētēwē 20

Hititiwē thē pē ihami totihitawē thamotima thē kuprawē ai thē ā rēamaihā thē pē ā riā wayou kāi yototai thē pē riā rē thaiwehei thē pē wāhāno wayoihe ha.

Ai thēni yototamotima thē hami thē shimai ayao taomi.

Hetipētēwē 21

Hititiwē thē pē ihami totihitawē thamotima thē kuprawē patamorēwē thē pē rē kui thē pē ā wayou kāi riā roaai narēō kama peni a pata rē thanowēhēi pē mithari ha kāi.

Hititiwē thē pē ihami totihitawē thamotima thē kuprawē kama thē pē rē pēriprai hami thē ohotepi rē shatiprai, thē pē riā ohotamou toaai.

Patamorēwē thē pē rē kui, thē pē shaponopi kāi rē pēriowei thē pē iha thē pē patamou. Ei thē rē kui thē pē shaponopi kāi rē pēriowei thē peni thē pē wāhāno ha wayoaheni thē yaiaprai shaohe yaiamotima thē kuo tēhē thē pē yaiamou hāthōō.

Hetipētēwē 22

Hititiwē thē pē ihami totihitawē thamotima thē kuprawē kama thē pē rē pēriprai hami pata thē pēni thē pē nohi kāi hatukepopehe, ai urihitheri thē pē patani thē pē nohi kāi hatukēpopehē, thē pē puhī topramapopehe, ihī thē nohi yaimopou thē pē puhī wetinahamou māōpē, peheti thē pē pērihopē.

Hetipētēwē 23

Hititiwē thē pē ihami totihitawē thamotima thē kuprawē, thē pē urihipi riā hupēo, ai thē ā rēamaihā thē ohotepi hurimopē, thē prewē thaporahe, pata thēni ohotamorēwē thē pē rē kui thē pē nohi pēyēpou thē pē ohotepi kuo māō tēhē.

Hititiwē thē pē ihami totihitawē thamotima thē kuprawē, thē pē ohotamou he usukuwē rē kurenaha thē pē no kāi kōō he usukuopē.

Hititiwē thē pē ihami totihitawē thamotima thē kuprawē he husukuwē thē pē no kōō, thē pē puhī kāi owēhēo, kama pē shīro rē kui e pē puhī kāi pērio mi hetuopē e thēki peheriproimiha pē kāi rē pēriowēini ai e thēki he riā tikēai e thēki he usukuopē.

Hititiwē thē pē ihami totihitawē thamotima thē kuprawē, sindicato thē pē riā thayou, thē pēhe rumopopē.

Hetipētēwē 24

Hititiwē thē pē ihami totihitawē thamotima thē kuprawē, thē pē washimi horuu yānikio pariopē, thē pē riā huu toatarou, topiao thē pē kāi rē ohotamonowēi thē no kāi riā kōāmamou thē ma yānikia parirani.

Hetipētēwē 25

Hititiwē thē pē ihami totihitawē thamotima thē kuprawē, thē pē riā pērio topiao kama theri thē pē shīro sho, nii pē hami, yahi pē sho, thē pē kāi temio topiao, thē pē kāi titihopē , thē pē nohi kāi rē yaimopouwei thē pē sho. Enaha hititiwē thē pē pehi totihitawē thamotima thē ha thē kua thē pē rē ohotamoumai, pē rē shawarapiwei, thē pē no rē huwēmai, thē pē he rē paharaprai, thē pē rē wārō rē patai, thē pē suwe kāi rē patai, ai thē pē wārītiwe kāini thē pē pehetipopehe.

Suwē shipēnapi thē pē rē kui, ihiru, marānapi, suwēhēri marānapi thē pē komi sho, totihitawē thamotima thēni, thē pē nohi thamopou topiao. Hititiwē ihiru hīpi kua pē rē keprouwei, pē hīpi ma kua mai pē kāi rē keprouwei, totihitawē thamotima thē kuprawē peheti pē nohi kāi thaprawē.

Hetipētēwē26

Hititiwē thē pē ihami totihitawē thamotima thē kuprawē, thē pē kāi hirayopē. Hiramotima thē pē rē kui, nomraiha thē pē hiramou pariopē. Hiramou pariotima thē hami thē pē ihirupi shimio he parohoopē. Hiramou pariotima thē nohā hami iha hititiwē thē pē ōnimou taai he parohoopē; ōnimou pata thē rē kui hititiwē thē pē pehi ma kui thē pē puhī moyāwei rē thē pē pehi shīro kuopē.

Hiramotima pē hami, puhī tao thē pē kupropē ihī thē no āhā totihitawē thamotima thē pē nohi asipopehe ai the ā rēamai thē sho; thē pē rē pēriprawē piyēkēi thē pēni, thē pē nohi kāi rē yaipouwehei thē pē hami, thē pē no ihīpipopehe, thē pē kāi puhipoyopē, O.N.U. thēni thē thamai rē puhiiwei thē ā riā praukamai ha piyēkoni, thē pē ā riā topramapou ha totihioni.

Pē nīi, pē hīi thē pēni e thē hiramai shi rē topiaohehei e thē hiramai puhipehe.

Hetipētēwē 27

Komi hititiwē thē pē ihami totihitawē thamotima thē kuprawē, thē pē rē pērihii thē pēni thē pē rē tai rē piyēkouwehei thē pē hami ai thē ā rēamaihā, thē pē no riā taayou, thē pē a kāi riā topiao, matohi pē rē thanowēhēi pē hami, ihī thē pē matohi ha thē pē ā riā toparou.

Hititiwē thē pē ihami totihitawē thamotima thē kuprawē , thē pē nohi thaopē, kama thē pēni thē pē rē thaiwehei thē pē hami, thē kāi rē ōnimaiewēhēi thē pē hami, noshiharirawē thē pē kāi rē kopemaiewēhēi hami kāi.

Hetipētēwē 28

Komi hititiwë thë pë ihami totihitawë thamotima thë kuprawë ai thë pëni thë ã rë thaiwehei, thë ã nosi popehe.

Hetipëtëwë 29

Komi hititiwë thë pëni ohote thë huripehe kama thë pë shaponopi hami, ïhï pë shapono hami topiao thë pë parahërii.

Totihitawë thamotima thë hami thë pë rë wapëohëriiwei ai thë pë ihami totihitawë thamotima thë pë kâi kuprawë, ïhï ei thëni thë nohi hatukëmapou totihitawë thamotima thë rë kui ai thë ã reamai thë sho. Mihi totihitawë thamotima thë hami peheti thë pë kuaahërii, yaiamotima thë hami thë pë rë patamou thë kuo tëhë.

Hei totihitawë thamotima thë rë kui ai thë ã kua mai thë pë sho O.N.U. thë rë kuuwei thë ã nohi wârïpou taomi.

Hetipëtëwë30

Thë pë rë përihouwei thë pëni, yototarewë pëni , ai yâmi thëni wa katehano thëni totihitawë thamotima thë wâhã no wëyëi ha ai thëni thë wâhã nohi taeai taomi, thë wâhã kâi hemhiprai ayao taomi.